

# Serventese dei Lambertazzi e dei Geremei

Edizione di riferimento: Poeti del Duecento, 2 voll., a cura di Gianfranco Contini, Riccardo Ricciardi editore, Milano Napoli 1960

---

Hoc est principium destructionis civitatis Bononiae.

Altissimo Dio padre, [re] de gloria, priegote che me di' senno e memoria che possa contare una bella istoria de recordança.	4
Del guasto de Bologna se comença, como perdé la força e la potença e lo gram senno cum la provedença ch'aver solea:	8
ché per lo mondo era chiamata rayna, fontana de le altre e medexina, ché tuti li soi amixi soccorea in ogni lato.	12
Dappo' che lo re Enço fo pigliato e in preson fo recarçerato, dentro loro sì fo ordenato de camparlo.	16
Alora doe parti se començò a fare, Germie' e Lambertaci se fe' chiamare, e queste començòno a ingrossare fortemente:	20

- sì che 'l caroço tolseno de presente,  
in su la piaça de la cità valente  
lo menòno ambe le parti comunalmente  
cum gran forore. 24
- Çascuna crida forte cum remore;  
l'una dixè: «A Forlì e 'l migliore!»;  
e l'altra dicea: «A Modena sença tenere  
farén trapello!» 28
- Sì che tra loro vene un foco sì fello,  
un tosego forte de mapello,  
che sete setemane durò 'l zambello  
d'ambe le parte. 32
- Alora li Germî cum le so arti,  
soto pretesto de dover fare le paxi,  
féno apellare ambedoe le parti,  
li migl[i]ori; 36
- fra i quai fo i conduxedori  
de trambe le parti como cridadori;  
zascuno dicea: «Dulci signori,  
. . . . [ace]» 40
- Qui sì fo miser Castelano verace  
che sempre amò triegua e pace,  
né consentir volse a la sòa parte  
nessuno [intrigo]. 44
- Miser Alberto de Caçanimigo,  
quando fo a raxone, sença pensiero  
ave ordenato la tela del batistiero  
de vegnire zoxo: 48
- sì che la parte sòa de nascoxo,  
quando fo sira e 'l tempo tenebroxo,  
misem le scale e ave 'l tolto zoxo  
del palaço. 52
- Miser Castelano romaxe lassù preso,  
e fo inferiàdo como paçço;  
fra si medesmo dex: «Ch'agio fatto,  
oi me topino! 56

- che la mia parte ò metù al dichino,  
destruto serà lo grande e 'l picinino;  
bem vorave aver creçù al mio visino  
Carbonexe». 60
- E quando questa cosa fo palexe,  
incontinenti le roste fono prese,  
ambe le parti sença far contexe  
fono armati. 64
- Çascuno fa scriver brevi e carti  
e mandando per li soi amixi veraci  
che li soccoran tosto e no tardi,  
de presente. 68
- Ma lo marchexe, ch'è pro' e valente,  
sì fiece armar tosto la söa gente  
e disse: «Cavalchè' tosto fieramente  
fin al Mercado». 72
- Como li Germî aveano ordenato,  
entro la meçanote fo arivato  
lo conestabel, suxo lo Mercado  
pose la bandiera. 76
- Zascuno avea in mano una lumiera,  
cridando a voxe: «Ov'è 'sta gente fiera?  
Anchoi è 'l zorno ch'i perderàm la seda  
del paexe». 80
- La guarda de la torre Carbonexe,  
quando vide la gente del marchexe,  
disse a la soa parte sença contexe:  
«Nui avem mal fatto; 84
- l'alturio d'i Germî è retornato  
e àno preso la piaça in one lato,  
suxo 'l palaçò àno portato  
lo confalone». 88
- Quando igli odino 'sta denonçaxone,  
féno recogerle tute le persone  
che curato aveano lo migliore  
de la soa parte. 92

- Miser Soldano da l'Albaro che non tace  
sì disse a Scanabeco: «Or sta' in pace,  
lo nostro avere è quello che çe face  
fuora usare». 96
- Miser Castelan del Fabro començò a dire:  
«Doncha ce demo nui cussì partire?  
Roffim d'i Principi, ov'è lo to ardire  
ch'avere solevi? 100
- Ov'è miser Spinello d'i Carbonixi  
e miser Ardiçone d'i Acharixi?  
Li Tetagliasini cum li loro amixi,  
che n'è fatto, 104
- ch'a li Germî doveam mendar schacho  
ed eser su la piaça inanci tracto?  
Ora te veço cussì aver desfato  
lo to colore». 108
- Miser Lambertino d'Ugheto cum dolore  
disse: «Or m'ascoltati sença tençone;  
el ve convene senç'altro tenore  
andar de boto». 112
- Alora se levòe miser Magarotto  
d'i Magarotti, ch'è savio e dotto,  
e disse: «Questo me pare un mal motto  
che voi diti; 116
- miser Barufalduço d'ili Storliti  
e tu, Boxello da Castel d'i Briti,  
che fati voi, che moto non diti  
a questo tratto?» 120
- Alora se levò tosto in viaço  
miser Righetto da Baexe nato  
e sì parlò como homo asenato  
in poco d'ora, 124
- e dice: «Or m'intenditi one persona,  
quî ch'èno dentro e quî ch'èn de fora,  
Bulgari, Carari, Ansaldi ancora,  
ch'èno qui presso, 128

- li Vassarin, li Tarafogoli, quî da Pontechio,  
Andaloi, Melloni e quî da Gesso,  
Guarini èno qui in deffito  
mo' al presente; 132
- possa dico a tuta l'altra gente:  
qui nom bisogna de dire più niente,  
so no partirse bene e acunçamente  
de le persone». 136
- Alora se fermòno in un tenore  
de isire fuera sença far sermone:  
verso Faença preseno lo migl[i]ore  
del so camino, 140
- e tuta la città lassò al Germio,  
no ne portòno dinaro né fiorino,  
e in presone lasòno el paladino  
miser Castelano. 144
- Corando i agni de Cristo fo nato  
milli doxento setanta quatro a lato,  
del mese de maço trapassato,  
lasò la terra. 148
- Alora se començò una tal guerra  
dentro Faença e Bologna la bella  
che molti cavalieri n'andò per terra  
consumati; 152
- ch'i fono sei milia sbandeçati,  
e altrettanti fono i confinati,  
che in Faença s'èno raunati  
e li fèn testa. 156
- In poco tempo prexen tal podesta  
chol conte da Montefeltro e la soa gesta  
che ai Bolognisi dèno gran tempesta  
cum gran guai. 160
- Pedoni e cavaleri preseno asai,  
cença quî che fono morti e tagliai,  
fin dentro a Faença li menòn ligai  
stretamente: 164

- sì che, s'in Bologna lassòn niente  
roba né avere, dinari né parenti,  
igli lo vendeghòno dolor[o]xamente  
a quello tracto. 168
- E a Ravenna mandòno un altro schaco:  
doxento de Bologna ne romaxe in asso,  
trexento cavagli ne menòn in un schasso  
entro Faença. 172
- Alora li Germî perdèno sì l'alença  
ch'i no aveano né possa né valença:  
tolseno ambasaduri cum gran temença  
e mandòli a Roma 176
- a l'apostolico, ch'è veraxe soma,  
che no li abbandoni a questa bixogna,  
ma sostegna lo povolo de Bologna  
com' era uxato. 180
- Alora ce mandò un so ligato,  
fra Lorenço da Todi era chiamato,  
e da lo papa forte fo pregato  
che fesse paxe. 184
- Alora se fece compromissi e carti  
de obedire lo santissimo Padre,  
e dà one parte bona segurtade,  
chi contrafesse. 188
- Poco stando, lo povol bolognese  
sì se fermòno senç'altre contexe  
de dover dare Bologna e 'l paexe  
a la santa Ghiexia, 192
- e questo se çurò su la renghiera  
e là suxo la gente stieva,  
e de presente lo nodaro sì gli era  
che fé le carti. 196
- Incontinenti fono registrate  
e a l'altissimo Padre apresentade,  
ed ello, vegando questo, cum gram paxe  
sì dixea, 200

- li cardinali avea in compagnia:  
«Omai ce convene veder la via  
de defender Bologna da 'rixia  
e da remore». 204
- Alora ce mandò un bon rectore,  
miser Bertoldi d'i Orsin signore;  
ed ello tornò sença altro tenore  
on'omo in caxa, 208
- corando gli ani de Cristo milli doxento otanta,  
del mese de septembr[e] a' tri dì a l'entrada,  
ch'el s'acordò li Germî con gran consolança  
e benvolença. 212
- Or ascoltati se questa è gran sentencia  
e se 'l nemigo gli à ben gram potencia,  
ché no potero stare in questa sentencia  
più de tri mixi. 216
- Le parti son grosse e son divixe,  
zascuno apella i soi amixi  
e su la piaça i passi som prixi  
per ferire. 220
- Miser Bertoldo no'l possì soferire,  
ambe le parti a si fece venire  
e dolcemente començò a dire:  
«Or ascoltati, 224
- signur Caçanimixi e Prindiparti,  
Galuci, Lambertini cum li Paxi,  
Pepoli, Goçadini cum li Fantuçi  
e gli Asinelli, 228
- Tebaldi, Castelani e Garisendi,  
quî da Sampiero, Samaritani e Becadelli,  
Guidizagni, Baxacomadri e Sardelli  
cum li Paltroneri, 232
- Malavolti, Dalfini e Ghisileri,  
quî da Monçoni, Triagi e Boateri,  
quî da Sala, Graydani e Bazaleri  
e Liaçari, 236

Preti, Piastelli cum li Beccari, quî da Riosti, Scappi e Furlani, quî da Bagno, Sayguini e Bocadecani cum i Baldoini,	240
Pegolotti, Oxelitti e Rombolini, Lamandini, Mantixi e Sabadini, quî da Bargaça, Romanci e Musolini e Papazoni,	244
Corvi, Bonacati e Rampuni, Usberti, Passipoveri e Zovençuni, Rici, Bentevogli e Calamatoni cum li Zambraxi,	248
Batagliuci, Melegotti e Piatixi, Boiti, quî da la Garda, Carmelixa, Toregli, Buvaegli e Artinixi e i Corbelini,	252
Pançoni, Merlini e Foscarari, Branchuci, Pritoni e Tencarari, quî de Cambio cui Meçivilani, no ve partiti.	256
Da l'altra parte digo ai Carbonixi, Andallò, Scanabici e da Baexi, Principi, Macagnani e Acharixi cum li Foscardi,	260
Bulgari, Carari e Ansaldi, Tetagliasini, Magaroti e Bonghirardi, Storliti, Arienti e Tomari e l[i] Meloni,	264
quî da l'Avolio e da la Frata e gli Uguçoni, Boniçi, Rayxi e Bardelloni, Passari, Lambertaci e Charaduni cum li Agolanti,	268
quî da Pontechio, Passavanti e Garçoni, quî da Gesso, Gueci e Filiciani, Tuschi, Liuci e Petenari cum li Bugadani,	272



Palavanchi, Malconsigli, Guastavilani, Scoçamonti, Mariscoti e Quatropani, Marçalolii, Maranixi e Rustigani e quî da Loyano,	276
Ghiaci e i Favi e quî de ser Galvano, li Spilli, li Cavaci e quî da Marano, Cacitti, Mantigelli e quî da Bixano, e gl[i] Ursi,	280
Butrigari, Angelelli e Acursi, da Villanova, Picigotti, Malatachi, Angnolini e Tarabuxi e i Salaroi,	284
quî de l'Abade, Guirini e Savioli, quî da le Pale, Ramixini e Castagnoï, quî da Panego, Trivilini e Tarrafogoli cum gli Rigati,	288
quî da Castel d'i Briti e i Barufaldi, quî de Belvixo, Bochiti e li Balbi, i Naini e Magnani e tuti i altri, or ascoltati:	292
ch'el ve piaça per la vostra bontà de mantegnire in bona voluntà e no guastare la vostra amistà che fata aveti;	296
sì ve ricordo che compromessi siti, ostadixi e segurtà dato aveti de mantenere liança e eser amici a tute l'ore».	300
I Lambertaci, a chui arde 'l core, ché sempre fono pur de grande erore, suxo la piaça cum gram furore forno aschirati.	304
Adosso a li Germî fono andati e de la piaça tosto gli àn caçati, là onde se vende 'l fem i n'àn tagliati ben sexanta.	308

- Alora tuta la parte fé aronança  
a cha' d'i Caçanimixi sença dilatança,  
e li mostròno tuta soa posança  
e 'l so valore. 312
- Lo barixello, ch'era per lo signore,  
Zoanne Soma ch'è piem de valore,  
sotto per la renghiera va al predone  
ch'è suxo la piaça; 316
- e cum li Lambertaci fé tal barata,  
scridando verso loro a faça a faça:  
doamilia pedoni a la soa traça  
era ordenado; 320
- ed ello incontinenti non à tardato,  
tolse un messo e sì l'ave mandato  
a miser Alberto ch'era aparechiato,  
che secoresse, 324
- sapiando ch'el era cum loro a le prese;  
e la soa parte sempre ingrossa e cresse,  
ed ello no pò sostegnire a quelle strecte,  
sì sono ingrossati. 328
- Alora miser Alberto ave appellati  
Lambertini, Ariosti e Prindiparti  
e tute l'altre cha' ch'erano raunate  
per soa difexa. 332
- «Or tosto, signori, da che la piaça è presa»  
sì disse alora, «sença far contexta  
on'om sìa pr[o]domo a la defexa  
de la soa terra; 336
- e recòrdive, signori, de questa novella,  
d'i nostri parenti ch'i ç'ançisem per terra:  
anchoi è 'l dì che nui faremo interra  
nostra vendeta». 340
- Alora se fermò una schiera streta,  
suxo la piaça andòno cum quella,  
cridando a voxe: «Mora 'sta gente fella  
ghibilina». 344

- Quando igli odino cussì Germì  
vignire in su la piaça a tal ruyna,  
tosto arcolseno la soa cavalaria  
da l'un d'i ladi de la piaça, 348
- e de peduni féno una gram massa  
bene aschirati cum alieggra faça,  
creçando che Dio per loro faça  
vertude. 352
- Ma li gram guelfi, ch'è piem de salute,  
veçendo li soi nimixi a fronte a fronte,  
vanno a ferire cridando: «A la morte  
li nostri nemixi!» 356
- Alora se levò striti i Acharixi,  
Principi, Scanabici e Carbonixi,  
e le loro caxe cum li loro amixi  
gli àno inscontrati. 360
- Alora fo sì grandi li cridi levati,  
trambe le parti stano striti e serati,  
de maçe e de spade li s'àno dati  
gram percosse. 363
- Ma l'una parte e l'altra è sì grossa  
che zascuno sta fermo a la soa posta,  
dagando e percotando de gram botta  
per onne lato, 368
- sì che çascuno forte fo agrevato  
de morti, feridi e innavorati;  
çascum dicea: «Cristo biato,  
or ç'ai[u]ta». 272
- Ma lo bom guelfo, ch'à la fe abuda  
cum l'alto Dio e cu[m] la madre Soa,  
sì stette fermo e lo color no muta  
né no s'esmaglia. 376
- E tanto stetenò firmi a la bataglia  
che li ghibelini no potem prender l'aglia,  
anche sono prixi como a la ragna  
li pasaroti: 380

- sì che forno sconfitti di sopra e di sotto,  
li cavalieri fugando e no façando motto,  
e tute le bandiere i butòno de botto  
per la via. 384
- Peduni e cavalieri se'm vano via  
né no manteneno né strada né via,  
verso Faença fano soa redia,  
e lasòno Bologna: 388
- sì ch'el è bem vero, che va gratando roгна,  
asai n'achata più che no i bexogna;  
ora vendega lo bom povolo la vergogna  
da Sam Progolo. 392
- Miser Bertoldo, veçando questo zogo,  
sì disse ai guelfi: «Or ascoltadi un poco.  
Venuto è 'l dì che sidi for di fogo,  
or lo cognositi: 396
- ché morti e struti aviti li vostri nimici  
e vendegà la morte d'i vostri amici;  
or stati in pace e guardà'-ve d'avere  
tra voi 'rixia. 400
- La santa Ghiexa tegnì' per signoria  
e 'l santo papa in vostra compagnia:  
quel è un stellone che mai non se parte,  
chi se gli apiglia. 404
- Or romaniti e fa'-vi de bona voglia,  
ché me'n voglio tornare fino a Roma;  
sexanta stadixi ch'i' ò de Bologna  
menarò via". 408
- La parte guelfa allora sì dixea:  
«Signor nostro, per vostra cortexia  
rendice i nostri, ché la malatia  
non è de noi». 412
- Tanto li sepeno dire cum bei sermoni  
ch'el no se sape defender da noi:  
per quindex milia livre el gli à renduti,  
li nostri stadixi. 416

- Alora se fé gran zog[h]i e balli,  
cantando e bagordando cum sonagli;  
miser Bertoldo cum i soi compagni  
se n'andò via. 420
- E li ghibilini, ch'èm piem de folionia,  
lo so color è de tanta malvaxia,  
féno ambasaduri e àli mandà via  
per Toscana: 424
- per arecogliere la soa gente vana  
a Pixa, a Areço i àno fata raunata;  
ma la superbia Dio sì l'à scaçata  
del Paradixo. 428
- Sì grand'è lo regoglio che i àm prexo  
ch'entro Faença non è sì dextexo  
ch'i no façano soperchio  
da one lato; 432
- e a Tibaldello gli àno ordenato,  
quando serà la sira adormentado,  
doverli tòre un bom porco castrato  
dentro la stalla. 436
- A dexeare se'l cosseno sença tardança,  
e sì lo mançòno in gran rixaglia:  
no se pensano come la i serà bruscaglia,  
quello dexeare. 440
- Quando Tibaldello lo possè spiare,  
tuto lo savore el gi à fato donare,  
e a costoro l'à fatto apresentare  
per una rixa. 444
- De questa cosa curare non pareo,  
anci s'aliegra cum loro per la via,  
ma de curto glie ordenarà una tela  
como oderiti. 448
- Ch'ello apellò tuti i soi amixi  
e disse: «Belli signori, ché soferiti  
che questa gente pare che ç'abia prixi  
e ligati? 452

- E ànce sì forte abastardati  
ch'el fosse meglio che nui non fossen nadi  
che sofrire a loro tali mercati,  
meio è morire». 456
- E Ghirardone començò a dire:  
«O Tibaldello, e' t'ò odito dire  
com' se porave de Faença partire  
questa gente». 460
- E Tibaldello disse de presente:  
«E' ve'l diraço amantenente;  
staga pur ferma la nostra gente  
a ço che faraço, 464
- ché de presente e' me n'andaraço,  
chon i bolognisi e' m'acordaraço  
de doverli dare la terra e' l palaço  
de Faença». 468
- Alora s'acordòno tuti in un'alença  
e tuti quanti zuròno credença  
de mantenere a la soa potencia  
quelo ch'e ordenado. 472
- E Tibaldello non à demorato  
cum Ghirardone, ch'è sego acompagnato,  
a dover trare a fim questo mercato  
tostamente. 476
- Alora se travistìno immantenente  
a modo de fradi molto celadamente,  
e veneno a Bologna de presente  
sença tardare, 480
- e li quatro da la parte fé appelare,  
i quai erano eletti a le credençe fare;  
igli incontine[n]ti ie féno zurare  
la credença. 484
- Posa sì dexe nono senza temença,  
e disse: «Io son Tibaldo da Faença,  
cum Ghirardone ch'è qui in presença  
ce som venuti. 488

- La caxom per che sem qui zunti  
nui ve'l diremo sença fare più moti:  
nui vel diremo a voi [ . . . ]  
a penetencia; 492
- ch'el è sì grande lo regoglio e lo soperchio,  
che ce fa i Ghibilini a soa potencia,  
che nui intendemo de darve Faença,  
s'el ve piaxe; 496
- con questa condicione e pacto veraxe,  
che voi ce dobià' fare triegua e paxe  
e mantenerce in le nostre caxe  
como bom visini; 500
- ancora farce de Bologna citadini  
li mei parenti e tuti i mie' coxini,  
e eser scritto in le compagnie  
sença fraudare. 504
- E nui la vostra parte volemo zu[r]are  
e eser cum voi a morte dare  
e tuti i vostri nimixi descaçare  
d'one terra». 508
- Quando li quatro intexeno la soa novella,  
in parte se tréno e féno bursella,  
e disseno: «O Vergene polcella,  
or ce consiglia, 512
- ché questa ce par gram meraveglia  
che Tibaldello à ditto cum soa lengua».  
No sam pensar como questo avegna  
per nesun modo. 516
- Miser Stoldo pensa e sta un poco,  
e miser Guidotino tolse a si presso,  
miser Alberto e miser Baçaliero,  
e comença a dire: 520
- «Or intenditi, signori, lo mio volere;  
questa è una cosa che no è da desdire;  
pur che custui la possa fornire,  
fen ço ch'el vole». 524

- E miser Guidotino sì parlòe:  
«Nui volemo da lui altro che parole,  
ch'el no ce fesse gambarole  
a questo fato». 528
- Alora se fermòno tuti quatro  
d'aver da lui bono ostaço  
e de compire a lui lo so coraço  
de presente; 532
- posa 'l chiamòno tostamente,  
e Tibaldello vene aliegramente  
e disse: «Ch'avì-vu fermà del conveniente  
che ditto v'acio?» 536
- Miser Stoldo rispoxe coma saçço:  
"Ve', Tibaldello, tu sai lo gran dalmaço  
che e' ghibilini z'àm fatto  
e 'l gran falire; 540
- sì che non avemo per nui tanto ardire  
che questa imprexa podessem padire;  
s'el ce falisse, sença mentire  
nui seraven strutti, 544
- ché 'l povolo cridarave a voxe tuti:  
- Mora quì che ç'àno condutti  
in questo logo lì o' tanto semo struti -;  
e araveno raxone. 548
- Va', s'el te piace, deschiarace el core,  
dice tuto 'l modo e la caxone  
chom' questa cosa pò eser a perficione  
d'averne honore». 552
- E Tibaldello respoxe cum bel sermone  
e disse: «Signuri, voi aviti raxone;  
e io ve dirò la condicione  
como ò ordinato; 556
- ch'io arcolsi lo mio pare[n]tato,  
ed entro nui fo deliberato  
como nui potesseno far de celato  
questa cosa; 560



- le nostre caxe se tenen cum la porta;  
per tute le strade farem bona rosta;  
quando voi zunçirì, la porta serà rota  
e butà per terra», 564
- E miser Baçaliero respoxe in quella:  
«Asai me piaxe ben questa novella,  
e bem poremo a questo modo aver la terra  
sença mentire; 568
- ma d'una cosa ve voglio dire,  
che firmi semo de far el to volere,  
ma boni hostadixi nui volemo avere  
dal nostro lado». 572
- E ello respoxe: «E' sono aparechiado,  
hostadixi e segurtade a voi daraço;  
vegñi tosto, ch'el no sia spiato  
lo nostro afare. 576
- A vui, signuri, me voglio fidare,  
ché creço ch'el no faliràe  
cosa che promessa m'açae  
de presente; 580
- e eo ve mandarò de presente  
i mei ostadixi inmantinente.  
Fadi puro che cavalcadi tostamente  
e non tardati». 584
- Alora de la pace s'àno dati  
e àno zurato a le guagnelli santi  
de trare a fine ço che àno ordenati  
in quella liga. 588
- E Tebaldello se mette per la via,  
e Ghirardone sego in compagnia;  
fino a Faença no àn fatto albergaria,  
ed eno dentro intrati; 592
- e tuti i soi parenti à apellati  
e s'li conta tuto el contenente;  
tolse i ostagi e si gli à mandati  
a Bologna; 596

- e disseno: «Chavalcadi de bona voia,  
ché Tibaldello è a gram bexogna,  
ché voi averì Faença sença vergogna  
de presente». 600
- Alora cavalcòno tostamente,  
fino a Sam Progolo no demoròn niente:  
ché neguno savea lor conveniente  
per che i se andasseno. 604
- Miser Stoldo da l'una parte zunse  
povolo e cavalieri che s'arostasse,  
e disse: «Bei signori, stadi in paxe  
e intenditi: 608
- la cavalcada che voi fata aviti,  
s'e' no ve'l digo voi no lo sapiti;  
siate pro' tuti e non faliti  
a questa bexogna. 612
- Anchoi è 'l dì che sotto Bologna  
serà Faença a tuta vostra voia,  
averì vinta tuta vostra pugna  
contra i nimixi». 616
- Alora parlò miser Bitin Dionixe,  
disse: «Guardà', signori, che faciti;  
no ve movì a posta d'i vostri nimixi,  
ch'e' ve'm prego». 620
- Alora respoxe miser Baçaliero,  
sì como cavaleiro ch'e' pro' e fiero:  
«Chi è bom guelfo, sì me tegna driedo  
sença tardare». 624
- Alora se mixe forte a cavalcare  
pedoni e cavalieri sença tardare:  
fono a la tera e començòn andare  
entro a la porta; 628
- e Tebaldello è dentro cum la soa scorta  
e tagliò le cadene de la porta,  
cum le manare tosto fé la porta  
trabucare; 632

- e tute le contrade l'à fatto arostare  
perch'ì g[h]ebilini no si possano aidare,  
e i Bolognisi començòno a intrare  
dentro la terra. 636
- Quando i ghibilini intexe 'sta novella,  
inmantinenti dèno a la campanella,  
ma no se pòno recogerie quella gente fella  
né menare. 640
- Li Bolognisi començòno a cridare,  
«Cavalier sam Piero!» forte mençonare;  
fino a la piaça igli se féno mostrare,  
e li fén testa. 644
- Alora i ghibilim cum la soa gesta  
sì fono armad[i] tosto e in gran freta;  
verso la piaça creteno piar podesta  
con soa gente. 648
- Miser Magarotto, ch'è pro' e valente,  
cum li figlioli, ch'è li de presente,  
tolseno el confalom tostamente  
e ànlo dispigato, 652
- e verso li bom guelfi s'èn driçati,  
cridando a voxe: «Mal s'ia' trovati,  
ché anchoi è 'l zorno che serì speçati  
in su la piaça». 656
- Alora se començò sì gram baratta  
tra i guelfi e' ghibelini, che non se lassa,  
anche stano firmi como sassa  
ambe le parti. 660
- Alora miser Guidotin d'i Prindiparti  
brocò 'l destrieri e fatose denançi  
e ferì miser Magarotto d'una lança  
per meço 'l petto, 664
- e morto cadde sença alcun deffeto,  
e no li valse coraça né casetto,  
e 'l confalone ch'in man avea drito  
fo caduto. 668

- Roffim d'i Principi, quando ave veduto  
che 'l confalone e çó abatuto,  
ferì el cavallo e sovra gli è cor[u]to,  
a miser Guidotino; 672
- ma el se deffende a le' de palatino,  
cum una maça ferì forte Ruffino,  
e bem l'arave metù al dechino  
sença fallo, 676
- ma i ghibilini gli àm morto sotto el cavallo,  
ed ello se leva tosto sença fallo;  
dai soi nimixi se va defendando  
tutavia, 680
- cridado: «Cavalier sam Piero, aida!»  
E quella voxe forte fo odida:  
miser Alberto in quella parte vegnia,  
e ave pigliato 684
- Roffim d'i Principi, e àllo descavalcato,  
prese 'l cavallo e sì l'à donato  
a miser Guidotino, ed ello testo è mu[n]tato  
de presente. 688
- Alora li guelfi venen tostamente  
e ferino i ghibilini de presente,  
e multi glie'm morì de quella gente  
ghibilina; 692
- sì che non teneno strada né via,  
verso porta Montanara se'n fugia,  
e tuto loro arnixe romagnia  
per le caxe: 696
- ch'i guelfi glie tenon driedo de fedeltade,  
cridado e tagliando per le strade;  
igli se butòno como cani  
for del palancado. 700
- Ora gli à li guelfi un tal schaco dato  
che mai per loro non fo mendato,  
ch'àno perduto ço ch'avean guadagnato  
a la so vita. 704

Troppo li costa cara la sossiça  
del porco, e la carne arostita,  
ch'eli cavòno for de la stalla  
a Tibaldello. 708

Verso Forlì se'm van sença trapello,  
no portano bandiere né penello,  
anche vano piangando cum fa l'agnello  
driedo a madre. 712

. . . . .